

疏刻

漢陰集
首

漢陰先生文稿卷之五

疏劄

辭職劄

伏以臣聞迫事情呼籲聖聽庶蒙至仁矜念保全伏奉溫批勉諭太厚莊誦感泣字字銘鏤第福過之身志願未遂隆眷疊辱致災必速震惕罔措不意數日恩命又及老父陞之宰秩授以實職瀝血之章反歸虛貝非常之渥復見優洽臣於此際惶感惴惴益速所憂自念破格顯親之

四恩隆
所
名非辭所
謂失不又為

寵異自己應受之爵欲辭不敢 朝廷命德之器
非一家慰悅之資陳 謝亦難悶默經旬以俟公
議老父積年當冬為患之證自近來轉深連以藥
物調攝不得登途跼伏稽謝心熱極熾臣亦煎慮
結戀怒如病狂精神昏錯諸疾迭發造物所忌神
鬼為戲於此亦可徵矣臣之以榮滿為懼而欲薨
解匪據者意實無他唯恐夕照如飛餘光不久為
鳥至情緣臣之不知止足而重貽災累抱悔恨於
無窮耳寧有一毫為奉身自安之計而忍孤 兩

朝生成之洪造乎臣之所處實為狼狽每誦前後
宸章唯有滴襟涕洟伏乞 聖明更 加體諒
許適臣相職俾得與老父共免滿溢顛覆之患不
勝至幸臣無任惶悶祈祝之至取 進止

辭職劄

伏以臣私情甚迫公議難冒煩瀆乞退罪合為死
伏蒙 聖批辭旨極峻氣塞心灼戰慄靡定 天
高地厚置身無所跼蹐徊徨垂泣惘恍已過上晝
夜不知所出心疾日發有同驚惑昨者 嚴召再

降殞越惶懼悶感奔詣未遑陳達危惴竊伏惟念
昊天至仁轟霆暫試而雨露有普被之澤白日至
明覆盆雖阻而光輝無不燭之處今臣狼狽之狀
古所未有不為仰訴於天日更望曲全於何地
敢盡哀鳴終冀裁處臣老父在病不即歸見烏
鳥至情掩涕不論抑臣之所叨者乃中外具瞻之
位也所見斥者乃害正欺君之罪也疏辭謄布四
方傳說害正為小人之尤甚欺君為臣子之極
罪雖在小官如負此名則責以苟處難矣自古以

來安有忝名相臣詒詆如此而冒居其職者乎况
臣觸忤既深時議共非繼此而刺劾者必將接踵
而起縱聖度包容每加謬眷寧暇種種曲
庇於低首避謗之一棄臣而臣亦將何顏面拋棄
廉恥行呼唱於內庭外衢耶恩之反有矣留
之祇為惡臣身不足言奈國家事體何臣素以
謫劣早出名途兩朝盛恩涯分踰溢覆餗形渥
理之固然生逢堯舜未忍便辭犬馬愚忠在坊
耿耿顧臣所遭有出於萬分不得已者天鑑體

念亦必憫然何可至此不諒而又強於所難處

以滋其疾以益其顛沛耶舉足則辱國社門則

違命持此安歸竊自悲矣元首股肱相須成體

聖教及此尤坊感泣人之所重乎有手足者以其

指使行動無不如意而為頭目之衛也若癰疽重

發不能屈伸則當用鍼石導氣疏鬱解腕砭骨亦

不顧惜而後死既盡去血脉與全體流通如或徒

事格護不即決治使病根日深浸淫滋盛以至指

大如股脛大如腰以為一身之憂豈有悔咎嗟何

及矣然則股肱同體宜察理病臣之乞免匪據鍼
石治瘡也充位苟度護疾而致踈戾也其利害所
關不止臣身終恐為君父之羞臣寧取違命
之誅不當添辱國之罪仰惟天地父母豈不
矜愍於此乎曠官連月虧損漸大離親半年方寸
益亂伏願聖慈憐察多般情悶亟許遄歸俾
全君親之義臣舉家感戴瞑目泉下亦復嚼結
無既矣不勝切迫祈懇之至取進止

辭職劄

伏以臣父臣某今年七十一歲氣力逐年漸億去
春患病歷累旬而獲歇去夏嬰病過數月而復常
老人半年再病傷損頓劇理勢然也此皆臣之無
狀叨竊爵祿福過涯分以致災於老父之身晨夜
慄慄為懼爰自初冬老父家中不寧孽弟與婢
僕相繼臥痛亟欲移寓老人憂感風寒輒為病祟
當此冬節又不克起動每切憂億昨夕家僮來說
老父自本月十四日寒熱頻作頭疼痰緊沉眩困
惱飲食漸廢臣以獨子違離在此奉養救護只委

諸婢僕之手及聞此報驚憂忽忽夜不交睫方寸
如此豈暇念他事乎往者臣劉彝本職略及烏鳥
情願蓋慮有此等狼狽耳竊念本職與庶官有異
自臣冒就以來多辱體面又復回私乞由屑屑出
入重見刺於群議豈可虛帶首相之號益積曠官
誤事之罪乎臣實惶悶不知所出伏乞 聖慈體
諒此間情勢 亟遣臣本職俾得往救病父則父
子感戴 隆恩庶於他日誓共隕結以圖報 決
造之萬一矣臣無任切迫祈懇之至取 進止

辭職劄

伏以臣臨年老父疾恙頻劇情事悶迫勢難供職
連章乞遫以俟 恩命伏蒙 聖批辭旨益峻竦
懷抑塞同知所措竊念臣之無狀福過災生臣父
自去冬大病之後氣力頓減痰濕風眩脾弱肺傷
等症種種為患發作頻繁去月之間添傷時令前
患尤重每消息之至臣之寸驚亂竊定坊欲受
由歸救而本職異於庶官屑屑出入有妨事體不
得已為辭遫乞計庶幾 天日俯燭下情區濺

人笑不幸控閤之章遽發引嫌之後歷血哀籲反
為因事規免之歸詞臣撰不允之教指臣以公
事間細故而引疾是掌辭命者不悉臣本情也
齊輩移書或認為因嫌辭退是為人不知臣本情
也臣私功嘆訝而所仰恃者唯是天鑑不昭必
察實狀耳豈意日月之明猶未遍照勸勉之說
交起經席臣之惘臆於何於此臣之情悶於何
開寫苟帶重銜奈國事何不顧病親奈人論何仰
天罔極自訟流涕而已臣本不妄但有一片愚誠

亮險所遭常欲自盡不敢回互規河身圖人所知
也以一書臺諫之 啓而惓惓欲去士龍臣雖驚
淺粗識人事決知其不為是也抑臣自壬辰亂離
險阻艱難備嘗萬事受 命勞勩不遑將母遂失
面訣纔過喪葬又蒙 先王嚴旨奪情茹服終天
今之所敬孝者只是偏父而年迫疾深哀泣艱度
少照如飛餘日有幾每中夜念及仰屋悲惶悼前
悔之難贖抱深恤而自煎公私兩妨忠孝俱失恐
終為天地間罪人悶悶遑遑而無所歸臣之此情

誰不嗟憐伏承 聖諭戰灼鬱抑狼狽維谷繼聞
病父脾症又加封寄藥物東望垂泣自痛臣以公
麼一身上焉療曠重務下焉遺棄病父日復一日
如醒如在今雖欲黽勉承 命而其勢實難久長
供職矣既知其如此則莫如早 賜處置使 國
事無闕私情獲伸何必強其所不忍以益重罪戾
乎況抱憂備位帶職省病彼此俱礙大為不便臣
之進退其亦難矣以此悶默迨連日統辭乃敢
仰首哀籲更達微悃伏願 聖慈愍然 體念亟

許遽免以全公私臣無任惶恐切迫煎熬祈禱之
至取進止

辭職劄

伏以臣父臣某自上年經病之後氣力頓憊疾恙
頻作臣私情所迫方寸輒亂乞由歸救前亦屢矣
癯曠之罪狼狽之狀夢寐追想至今猶悸去夏秋
間臣父又患暑痢等病會 丹使留館舉國遑遑
臣未暇顧私賫送藥物悶默度遣幸而病間臣少
寬心慮備位以行不意今者家人來報臣父重感

時令寒熱交劇痰症尤痼夜不帖寢食飲漸廢蓋
衰老之人元氣已耗風痰迭乘疼痛靡定其為憂
慮寧有極哉功擬遣歸嘗藥及時治療只以忝冒
重地帶職出入多有妨碍且念前頭連有大禮值
此憂虞尤期同措伏乞 聖慈俯賜體憐 許遽
臣本職以便奉養庶為至情得伸無憾臣不勝
惶恐功迫之至取 進止

辭職劄

伏以臣悶迫情事以狀以劄陳達幾盡伏蒙 聖

諭許令往省病親仍察國事惶悚感泣隕越無地
第事之難處種種非一不免再為呼籲伏願聖
慈區處為臣之老父年已衰邁自去冬經病之後
氣力銷鑠風濕為祟右邊不收痰厥深重發作無
節此等症患其在去年猶為可虞況於踰七望八
之衰境乎今臣欲竭勉承命而一出之後方寸
頻亂未暇專意察任臣之宜適此其一也首揆之
職異於庶官屑屑出入大妨事體其難於帶職而
歸救則前狀亦備達矣臣之宜適此其二也殷禮

稠疊 詔使迫到臣忝本職當董率庶僚有所規
畫而既抱憂悶久致瘵曠古人當國家無事之日
猶効以中書為養病坊豈可於此時使之任便往
救病親於鄉曲而假借重任不為之處置乎臣之
宜適此其三也臣父之病發於積傷根深症痼治
療漸艱臣必須迎醫親去施鍼投藥看護調攝若
仍帶本職則彼此狼狽臣之宜適此其四也臣以
獨子素無兄弟奉親日短晝夜悲歎心慮荒錯忽
忽遑遑遇事顛倒輒迷前後見人偶語有同狂謔

如是而欲仍竊首相之位縱臣無恥旁觀謂何臣
之宜適此其亾也臣之不可冒據此地者有難以
悉數而暫舉目前之虞亦如前項所陳因仍苟度
不早適改妨公害私後悔靡及臣身雖不足論奈
重誤國事何臣之悲苦之辭前後瀆衛宸聽
蓋已屢矣每一拜章辭益感而情愈迫不覺涕泗
橫集天高聽卑必從人欲自痛臣之無狀誠未
上格無以取獲於君父竊自悼矣前頭大禮及
詔使之至也臣雖適本職自當盡筋力於大夫之

後豈為此際備貲隨班而容一曠官負罪之人猶
假以虛號不計其虧損之多乎趙趙量度鬱抑彌
極伏願 聖慈愍臣情深 念國事 裁自
聖斷或俯詢同列亟 適臣職改卜無故察任之
人以全公私臣無任惶懼迫切祝 天祈 命之
至取 進止

乞往禮山會葬劄

伏以臣妻父鵝城府院君李某以本月十九日永
窆于忠清道禮山地法典有妻父母歸葬而臣忝

居首相以私事出入不便揆情量勢未敢以請
告矣今聞喪孫以獨子嬰病喪母之還墓亦卜日
不克而退行其得過喪葬也難矣一家遑遑憂德
而臣又不往者焉則生死之際心豈安乎仰惟
聖渥優洽隱平凡作瑩減盡出官庀逝者有知必
感泣泉壤固無待於了姓之治葬矣第送終大事
將有私憾一失之後難以復見以法以情誠有不
忍愬者往還之間不出旬日功願掃除弊例簡約
馳往了掩土而即返伏冀聖慈裁處臣無任惶

懷侯三命之至取一進止

辭職劄

伏以臣賦性疎迂臨事癡騃不量本分驟忝台鉉
福過災速果見疾顛毫無裨補徒積愆尤杜門追
省竊寐悚惕五六年來屏伏自訟不意今者一謬
命垂加曲收舊復擬充樞揀擇相六宜朝廷
不尊狼顧競閭益難自指聖明嗣御圖理始政
國事艱危良相繫望苟非其人不必備位此時虛
授悔咎六矣臣以久遠忝之身而復膺寵渥

承命乎臣之此言非少有芥滯而發也但欲明
臣之無狀見輕之實耳 殿下方重論相臣令昂
軸益輕以致區區體面墜落掃地 國事日非終
無以收拾此臣之所大懼也唯其寸器譴方具瞻
眇然反覆商度決不可叨冒伏願 聖明體諒微
臣事勢之難 曲念首相責任之隆亟 遣臣奉
職以全公私臣無任切迫祈懇之至取 進止

辭職劄

伏以臣材稟淺劣不勝重委情勢迫阨又難抗顏

歷陳危惓以冀 反汗伏蒙 聖批溫諭不准奉
讀惶悶隕越淵谷臣素性愚騃任情直行驟出名
途未諳人事唯其沐浴 國恩至厚至渥不量涯
分但懷感激自以不欺盡心庶無負於受任矣亂
離之時誓死驅馳艱虞之會冒玷台鼎赤心耿耿
常向 天日才與責違器與任乖觸事顛躓狼狽
而退者六年於此矣已試如此譴薄可知重豈能
任時豈能匡 聖明臨御 勵政始初剪拔舊物
更 授隆任感恩雖極撫已實歉再辱重器尚何

敢爲臣之筮仕也朝著角立之弊已深臣亦累玷
清班不免以一邊指目矣自近年以來朋比之害
輾轉相覆視前益甚每慮士類間彼此之論終為
亡國大禍用舍之顛倒由此也是非之混淆由此
也紀綱之解弛由此也鬬茸之雜進由此也賞罰
之無章由此也風俗之不淑由此也淳議之朋興
由此也臣竊悶之痛之常謂國家經亂之後而
士大夫猶不改此病亦何心哉今灾荒太甚民命
止矣防備蕩然邊事棘矣百隸怠棄上令不行

萬姓流冗土崩可虞此正 君臣上下急急遑遑
交修胥警之時先儒謂公生明偏生闇又謂公則一
私則萬殊革除積弊收攬群才務挽人心圖面治
道誠不外於此數語矣若能夙夜痛疾盡去公意
衡平鑑空無所係累以之照臨庶物而納一世於
權度之中則易之同人于野大公用過書之無偏
無黨王道蕩蕩自可以馴致而象賢勗翼道明弼
諧莫不精白一心以承休德克舜之治不足過矣
茲者 聖明以同協寅恭為放太成 三言真今

目之藥石也第以此責諸謏劣見輕之人則固大
謬矣譬之欲作室者以瓦為棟欲致遠者以駑責
驥豈其可乎然此既論臣之不勝任之狀耳至於
禮義廉恥國之四維無禮無恥將無以自立今
臣之所被斥者乃反側極惡之名臺諫既已陳啓
則罪在身上而不可洗矣此果論議間寬猛同異
乎負罪之人忘其垢穢貪赴重任則其不為同列
之羞也耶今時臺諫有些少物議亦辭避不敢就
職者蓋重其體面也百揆之首任大責重匪特一

臺官而已不計羞愧晏然行呼唱於內庭公衢曰
我將與臺諫協恭云爾則烏在其為國家之重
臺諫而又焉用彼相哉朝廷之輕名器之厚責
此為甚此臣之所以惶懼迫感而不敢進者也伏
願聖明試賜體諒至適臣職以全公私無任
切悶祈懇之至取進止

辭職劄

伏以人臣辭退其道不同而際有四焉責任甚重
才器不稱而乞辭者有之情勢非刺難在其位而

乞辭者有之權寵是戒致令絕節而乞辭者有之
疾病已深謝事厭煩而乞辭者有之節廢自知歎
後不受制麻量才器也吳育一得彈劾懇出知州
審情勢也弓玄齡為相十五年誠遜卡公避權寵
也呂公著當哲宗初政移授司空為疾去也此皆
控懇誠篤故雖有負一世之望而當時人主曲遂
其願豈以非人備充首相而強世所不可束縛馳
驟使若牛馬然哉臣至愚無似早蒙 殊渥耿耿
赤心圖報無路赴湯蹈火誓心自期今之所叨

謬命若少可承受則竭其筋力以畢志願此其機
也何必累章乞辭自陷於通慢瀆擾之誅哉臣犬
馬之誠願効驅策常狃之費猶未凋謝老成荷總
避位辭煩非所敢擬論而情懇所在則過鄭蔡吳
育遠矣只仰 聖明俯諒曲全矣反蒙 訓批溫
諭至再竦聞狼狽日益難措臣平生驚緩與人少
爭是非橫逆只勉自反其不為一番詆斥而追介
于懷流輩所共知者特以首揆隆任匪謏薄冒據
故陳達實狀懼辱名器但為 朝家事體惜耳寧

有一毫求辨之心哉茲者天災數見民有方意

國勢奄奄如日將沒登庸俊良奮勵有為猶懼其

難濟乃以震撼擊撞之責委之已試顛沛之人而

望其有裨不亦僨乎 朝綱盡解浮議益熾以愛

憎為是非以好惡為賢否以廢事偷惰為時望以

朋比追逐為仕務百揆之間體統日紊習俗之弊

一至於此臣以踽踽愚戇之蹤孤立乎押班之地

覆餗彤淫不朝即夕臣之不可冒就者一也諸曹

各司盡擁虛套職掌板蕩奸弊沉痾須得通方鎮

物之器以盡董率釐整之策庶可牽補有所支度
而臣踈迂信書當事齟齬料理規畫鮮合時務此
時相位不宜苟苟填塞臣之不可冒就者二也自
仕路分貳士大夫之得罪於公議者一被彈啓輒
曰我與某異色而見駁矣其言何足恤也放意華
貫恬不知忌以致官箴日墜廉恥都喪識者之歎
久矣臣既被醜詆而復踵此冒晏然行呼唱於廷
衢物議謂何臣之不可冒就者三也灾荒為患百
姓阻飢遷徙流移相續於道無路未凍急圖轉粟

然後可以議今冬之賑救明春之耕作矣若變通
貢物蠲除徭役得未貸種以講懷保俱係目前十
分至緊而近聞以首相久曠之故此等急時公務
一功不為准議以臣之退伏而貽一國事之遲誤
則罪尤大矣臣之職名且速速著一也臣父臣某
少經喪患積傷風病每當冬節深寒溫室年過七
十氣力多敗食飲少失輒致呻痛疾急之作靡可
不有臣以獨子當此喜懼為烏私情豈有其極頃
忝樞府開局猶欲具辭乞免况此重任勢尤妨礙

每念古人事君日長事親日短之語未嘗不三復
悲咤仕而遺親臣不忍為臣之職名宜速遫者二
也上年夏臣祇承 嚴命與同遠廣差官觸冒暑
潦飲水無程今春以來肺病重發痰痛又劇右臂
肢節有酸引不遂之患方擬鍼灸調治病根難殄
曠官未安臣之職名宜速遫者三也臣毋論他事
即此數段情悶已難於抑行矣韓愈所謂必發狂
疾者正為臣今日道也迫感趨退無以為計茲更
仰首呼籲以冀 聖明憐察伏乞 下燭至情亟

通臣職使臣之取信於君父者無落唐宋下又一
大幸也臣非避難懷便者他日倘得死所則盡瘁
捐軀當有以報 殿下矣臣不勝惶恐祈懇之至
取進止

謝 賜食物劄

伏以臣父病未蘇憂憊日深帶職留滯罪積瘕
除已 拜劄乞 通侯命間京營下吏來尋有
旨 賜臣父食物砥平揚州驪州南陽等官來致
米太各一斛并魚肉數般臣惶恐踧踖伏地拜

謝訖竊念臣當此年凶民困之時職忝首相乃被
私情所迫不顧公務久任窮谷每揆事體竦悶因
措又忝 恩命煩弊郡邑耗賑飢之資而添素食
之刺彼望哺之民其謂臣何臣又臣某連歲獲蒙
優渥節受米肉沐 恩範 德以度歲時病伏感
泣唯拭涕洟第臣於曠官之餘如負大戾方自効
之不暇而重費官廩竊為私榮其得安於心乎瞻
望 北闕精魂飛越一味震悸但誓糜粉而已目
今歲律已新三陽方暢仰惟我 聖上觀天地交

恭之象則引接臣僭廣詢庶政使下情必達誠
不可緩念陽和生物之意則寬大布令蠲除象
瘼致民聽聳動此又其時臣本以無似叨竊匪據
福過之災重貽親齋今過數旬尚未復常雖欲離
親趨仕圖裨新政而情勢已難副志願矣抱悶
惶遽不知所處伏乞聖慈諒臣衷悃早許適
改職名以全公私臣無任感激陳謝惶懼屏營
之至取進止

辭職劄

伏以本月初五日臣祗受有 旨書狀 聖批有
云知卿親病未瘳深用傾慮卿宜安心留省待差
便即上來又於本月初七日臣祗受有 旨書狀
聖批節該卿行不須濡滯式過毋止予深望焉臣
捧讀再三精爽飛越竊念臣叨忝本職久淹于外
事體既失群議可畏寢驚夢惕日益疎悶冒達情
私唯冀 聖慈曲賜矜憇 許釋蚊負以圖周全
茲者疊蒙 睿諭無任隕越狼狽維谷不知所處
欲起即趨造以謝 嚴命則父病發於積傷今已

三變藥而患症橫生際衛極虛風痰日盛每夜呻
痛失睡右臂有類中風漸艱於收用衰年病勢如
此臣豈易離去坐而憂憊不知濡滯多日伏念時
歲已換再祥奄迫引領北宸悲悵流涕尚未
得奔走於陪祭之列仰瞻天日哀疚之容負
罪遑遑尤無所措臣入見父病出念公義悶感徊
徨心病日發唯以首相隆任非可以假彌養閑于
窮谷者臣之一身不幸逢此厄會帶職一日增瘵
曠之咎稽命一日添逋慢之誅何以仍據是地

而能晏然乎反覆思度種種罪戾只是乞 通職
名以全 國家以安愚分為得完於公私耳醫云
父病難以藥快瘳須待日暖施鍼庶可見効臣雖
從近勉還 朝而情勢已難全於供職矣前既
曠官淹滯後又抱悶超超當朝野多事之時何賴
於徇私廢事之一具臣而虛假以重器不計節節
貽誤乎臣早受 國恩毛髮霜被優渥誠非草萊
疎遠之臣以一言一事而較去就者此間幅臆唯
恃 聖明體諒情迫言塞不知所達伏願 天地

父母 俯察微悃亟 遍本職一以釐 國家之
庶績一以遂烏烏之至情臣不勝惶恐功迫之至
取進止

辭職劄

伏以臣伏蒙 聖恩許令歸救父病又 賜油
扇帽等物以為鄉曲暑濕之備拜辭以來 天語
盈耳魂夢耿耿及到村舍臨年老父於衰憊病傷
之餘見臣悲喜而 賜遺露被光動窮谷晨夜感
涕相對頌祝臣於此際仰戀 天寵退憂親濟情

欲造謝勢未易離日復一日狼狽愈甚本月初三日巳時藝文館奉教李景顏來致教諭臣伏地承命不勝惶恐隨越訖竊伏惟念臣之無狀叨忝匪據帶職在外每切悚悶今此嚴命之下而神魂已飛越矣只以臣父風痰與瘀血病根深痼再度施灸未見快愈而老人脾胃多敗痰濕乘時為患食飲全廢嘔泄間作庶見少差趁速登程而老病彌留情景虞迫抱悶遷次已不及於東宮冠禮之日

矣私憂所煎公義大虧致灾至此戰灼罔措臣之
不幸遭遇難震方俟曠職之罪又負稽命之誅
廷議至嚴無地自處伏乞 聖慈斥罷臣本職以
全公私臣無任惶恐悶感之至取 進止

辭職劄

伏以臣迫於私患曠職留外事體不妥每念悚然
自蒙 嚴諭愈益惶恐庶幾父病少間趁速趨
謝本月初九日老父所患泄痢添緊一夜之間暴
下七八度氣力倍爾抱憂煎悶又輟行計伏念

儲宮冠冊之禮乃一國莫大之慶舉朝之人無不
歡欣抃舞駿奔在列臣職叩首揆名忝師保乃退
伏窮谷未及獲覩三加之盛事終失遽參百僚之
賀班情惻未伸罪戾彌重撫躬自訟不知所處抑
臣伏聞冠者禮之始也所以備服而責成德也德
成而教尊教尊而官正官正而國治以基宗社
無疆之休亶自今日始矣仰惟儲宮有玉度金
相之美而聖明之止於慈止於仁能盡道而慎
其養者固將益加睿念以追法三代之隆熙則

學問宜及時而勸勉矣方正宜極擇而親近矣遠
便嬖而務誠身絕私仇而戒喪志皆是成就令德
之方而群下之所願望焉如臣之庸慢負罪者何
可仍竊保導之彌以重貽有識之譏議哉伏承
聖諭許令待親病差愈而上來臣之職名非可以
久滯於鄉曲者入視親病出念公義戚戚遑遑唯
日狼狽伏乞 聖明憐察臣至情亟 賜豁免以
全 國事以安愚分臣無任惶恐屏營之至取
進止

辭職劄

伏以臣伏蒙

聖恩許令歸救父病藥物酒食

盛渥霑洽窮谷之中榮光累遍臣父於臨年衰病
調保餘喘得有今日毫髮皆上賜也晨夜相對
仰天頌祝繼以感涕只誓糜粉而已第念臣叨
忝重任乃迫情悶前後控辭輒蒙溫旨屑屑帶
職出入已至累次自古以來安有竊位首揆渣外
曠官若臣之比者一日跽伏是添一日罪戾懔懔
自訟庶幾父病稍間臣即奔詣闕下祇謝

恩命陳達微困不幸臣父虛羸之極中氣多敗纔
用一藥又生他症惡寒患熱痞塞泄痢肺億腹脹
等疾變出為患藥之的効父身既不能起動臣情
又未忍違離棲遑之際旬月將滿以至朝廷連
有大舉動而臣不得一參於扈駕問安之列
瞻望宸極感感同措臣之情事豈不為狼狽憐
憫之甚乎目今邊事方殷國儲盡罄規畫之急
非止一二而臣以闕職任重得罪於公議私抱憂
虞難逃別於親側低徊垂泣無以自處仰惟聖

明天覆日燭 特察臣至情許 遵本職以全公
私臣無任惶急聞迫之至取 進止

辭職劄

伏以臣忝為執職久滯竄谷煎憂訟罪度日如歲
仰陳請開乞 賜我憂伏承 聖批益增悚慄臣
父之病發於臨年諸症互侵眩暈尤劇漸當冬節
憂慮愈迫遷延換月狼狽日甚疾病累乎唯望父
母代以臣之驚勞以蒙 國恩馴致崇秩三入相
府頃踵憂變無非 隆渥兵在于今竭肱肱而畢

心營以誤其跡過故 聖明有昨是夙夜匪懈奔
走奉職耳不幸所遭事勢艱難願率姪出救父病
累煩 恩命而共前後控重難亦竭矣仰荷 聖
慈曲加收護不任通懇 溫育或 教以帶
職往救或 諭以病重上來重任在身私患繫心
曠官廢事強擁虛騎我所靡安素親要病欲察官
務情亦不忍勢難兩全而尚貪冒至此公議甚嚴
臣雖欲眷戀放此任其可得乎臣父臣其本以衰
門晚生早多疾病其在壯年亦艱出入此即人所

共知今乃以踰七望八之年既經去冬大病重傷
今夏盛熱氣力消削疾恙頻數朝夕為畢命松楸
之計臣每來救療輒驚其興居食飲之間日異而
月不同今日治一病明日生一症少失將理即添
患痛奄奄床席頓無世況又無不待反哺無幾臣
身當此方寸慌亂若何以論情義之輕重哉昔在
亂離臣忝蒙先王眷任母死中途不及相訣又
被嚴命不得守廬終制恒抱無涯之痛自謂賤
賤時平則情事之追伸亦有日矣今之所恃者只

有老父而病又如此在世難卜久近事親之日太
短事君之日甚長臣之情惻惻而向誰訴哉臣
父亦蒙聖上超擢之恩而無以報効萬一則常
感泣語臣勉以奉職之義及臣欲離去則輒為疾
懷若失所依此乃老病人常事而臣見其氣息聞
其語言心折魂迷萬事茫然難以天地廣覆日
月普照而安知螻蟻之啣轔至於此哉臣誠恤恤
遑遑唯有流涕而已今者朝家雖似無事規畫庶
務此詩為急臣以無狀竊位首揆久淹于外不遑

自處 國之置相豈若是其闊漫而人亦謂之何
哉伏願 聖明憐察原今祈懇事理亟 帝臣本
職以全公私情迫語塞不知所達臣無任惶恐屏
營之至取 進止

辭職劄

伏以臣於本月初八日伏承 聖批辭旨甚峻墮
越淵谷戰灼罔措功擬親病少差即當超詣 闕
下陳達私悃請服 嚴譴不幸獲戾于天狗馬賤
疾又發於此際蓋臣自未辭朝腰下濕痰為祟累

針而見歇矣轉成脚下疽瘡來此益重爛遍脛股
至于本月初誤用俗方仍發大腫晝夜浮痛迎醫
針破七八度毒氣始減膏汁長流瘡處遲合重以
沉憂鬱悶潮熱亢盛飲冷無筭夜不帖寢頃上
辭章臣之情事唯迫於親濟不敢以自己之患并
煩於天聽矣今事勢狼狽日甚一日焦心煎慮
鬚髮陡變見臣之狀者無不憐憫自念政府非是
養病坊而臺諫亦未有如韓琦之處置者臣竊痛
爲臣之帶職淹外幾浹兩月不但大乖公義有損

事體當此邊事孔殷規畫方急之時緣臣瘵曠而致遲誤者想必多矣臣身選處窮谷其得一刻自安乎見今曾經是任而昔疾已間負一時輿望者亦有其人臣之無狀何乃以於占悖虛銜以重誤國事乎時序易邁寒沍漸逼父之羸病益痼臣亦運步尚難今日明日之勤亦由瞻望闕庭精魂飛越伏願聖慈體諒臣之至情實病非出例辭曲賜周全亟適本職以濟父子相依之命臣無任惶恐悶迫之至取進止

漢陰先生文稿卷之二

漢陰先生文稿卷之六

疏劄

辭職劄

伏以臣老父衰境久罹疾恙心緒悶撓曾乞解職
歸救仰荷 聖明深慈其切迫之狀已下徃省之
命臣不勝感泣適以 國有大禮駭奔在列稽首
悲慶未遑顧私繼聞老父於羸憊之餘墜跌重傷
右邊臂脇牽痛為患此素是受病不遂之處而又
添瘀血輾轉深痼用藥累貼尚未決愈醫云必須

及時針灸可以見効時候漸熱而臣未得易歸遑
遑煎悶即朝家僮來報老父又感風寒熱寢食俱
失尋得消息方寸益亂將擬延膏肓藥奔往治療
前頭 綈禮綢疊之時臣叨忝首相狼狽罔措且
念本職異於庶官所宜出入大妨事體伏願 聖
慈俯察原今呼籲事理 許適臣本職使救父病
以少伸烏鳥罔極之情臣無任惶懼感迫之至取
進止

辭職劄

伏以臣父臣某病出積傷未易復常悶迫情事已
盡於前後割辭矣自還朝之後每念老父病在
山谷而無將護之人疚懷耿耿夜不帖寢晝不甘
食身在心往忽忽度遣昨日伏承命召即擬趨
詣旋聞臣父痰壅胃滿作痛頗緊臣聞此驚惶
藥走送卒不得就諸大臣之後勘定大議臣實惶
悚不知所處竊念人之所以接物能酬應者以其
保此方寸地耳方寸既不安定則何以為權度而
裁處衆務乎假令臣父同在一室病既頻劇如此

則臣之方寸已難專於供職矣頃者伏蒙 聖教
俟日氣和暖奉來京舍以施針藥軫念 深渥感
泣無地第事勢有極難者臣父累月抱齋元氣頓
鑠廢蟄煥室不得開戶稍緩調攝輒患疼痛父既
難於遷動臣亦礙於頻省兩處瞻戀日添憂惱到
此地頭方寸為如何哉況乎親年衰邁返景不待
縱其得至遐壽而在世無幾歲矣今也疾疢日加
人事難必每念古人事君日長事親日短之語三
復愼涕臣之情勢極為狼狽苟竊重任不早辭退

則妨公害私愈往而愈甚此亦王政之所宜懲
處者今當聖明喪畢訪落之秋群下引頸顙望
庶幾有時咨奮庸之機而臣適有患厄志願未遂
反致曠官則公議訾點庶僭解體一日二日但積
罪戾欲其晏然居是任豈可得乎伏乞聖慈天
地父母諒察原今祈籲事理亟遣臣職改卜賢
德以答臣亡望治之羣願以遂烏烏欲孝之微悃
無任惶恐懇迫之至取進止

辭職劄

伏以臣伏蒙

恩命來見病父

聖渥所逮危病

少歎窮谷之中相對感泣望

天頌祝不知所達

第臣父一家病患連劇老人傷感之疾積數月而

叢今雖得汗解表元氣極弱稍襲寒氣連夜疼痛

少進飲食輒痞塞不下老年患症多端藥物無效烏

爲至情不忍暫離煎憂悶迫曷有其極伏念相臣

之位異於庶官臣徇私出入已爲示妥公議固多

非刺今者父病沉痾未易差復事勢狼狽日甚一

日尚且仍據本職跼伏度遣自古以來安有如臣

曠官久居外處而猶忝名於百僚之首者耶況以
前頭有亢會大禮中外之官彈誠駿奔臣為首相
又闕進參賀班臣於此際尤負大戾竦慄罔措
伏乞 聖慈念重地機務之難曠 諒微臣方寸
之漸亂亟 適臣本職俾得安心救病則庶幾老
父獲延餘齡而臣亦免於竊位之罪矣 天地洪
造縻紘可報臣無任悶迫之至取 進止

陳俊甫仍辭職劄

伏以臣伏聞憲府以備邊司許令與倭開市忘深

卷之三

四

七

讎弛大禁而啓他日無窮之患請有司堂上推考
色郎應罷職大義凜然令人起歎第其間利害有
未能釋然者此賊之為萬世必報之讎三尺童子
所共知也既不能斥絕而與之鬻縻縻則開市終可
閉乎法官既不許此則果就末之難矣往在辛丑
年天兵纔撤南徼蕩然馬島倭子摘智正持書
出來中外人心騷動靡定及見禮曹修答書契有
即為許和之意臣適膺體察之命而在邊上晝
夜商度疆事不許則目前無悍禦零賊之勢欲許

則非但辭怨通天纔許之後種種難處不得已羈
縻遷退以冀十餘年無事而為自強之計矣但雖
欲為此計我 國氣力毫無依據操縱者必須籍
重 天朝陽開陰闔以絕其哄脅之端然後慶事
之權我可議矣遂改撰書契并色禮曹咨書陳
達其狀謬蒙 先王獎諭施行其後馳稟萬軍門
得其諭帖遣入馬島覘探賊情乘機善導以過數
年不幸而金光來肆悖說 朝廷輕遣惟政渡海
又不幸而馬島誑稱械送犯 陵賊 朝廷輕遣

通信使失此二策臣語及此事每切嗟咄暨乎奸
賊玄蘇持假書來我而我乃依舊例許和譬諸著
碁局已了矣今者義智景直遣人更要上京進
香又乞開市信使既返約條既成則此皆所應行
者但許之上京則其弊有不可勝言若不許二京
而又閉開市則只有斥絕而已大賊之動不動雖
不係馬島之和否而迭擾邊上則馬島亦裕為矣
並斷二件事而斥絕馬島我國其能乎以二件
參商輕重則上京極難而開市無甚害宜杜我之

大弊而姑中其欲彼賊既意滿於開市則上京可
以防矣倭館市物初無禁制自弼中再來別幅商
物監觴無紀上京往返國家難支仍設法示禁
謀杜其弊只許采布入館互市其他貨物無不有
禁利源難塞基於防川禁令愈密潛商愈衆此蓋
由開市禁斷諸物故潛商弊起潛商弊起故透漏
機事之患又因此而作矣昔在先朝平義智始
來先王深軫虞慮痛絕潛商累教申飭及到
東平館別令兵曹捕盜廳巡邏設禁法非不嚴矣

而昏夜並賂巡邏守直軍士而抵死交易至有膽
示朝報之說此無他商賈雖知國法至嚴被誅
者無幾獲利者甚溥其冒禁固宜倭奴亦知分費
之為不貲而甘為此者只以所齎商物必因此而
後可換易也其在國都難禁如是則金山館之
事益可哂矣申明禁令只為東萊奸濫軍官吏胥
輩作弊操弄之地倭奴竊笑其法禁細密彌令不
行臣每痛之今之倭物倍多於平時而所要在於
段參虎豹皮不在於米布米布乃窮民所資而參

皮不得救飢寒者也諉以舊禁而嚴禁麥皮唯許以米布交易則開市未易且留連邊上倍費糧料徒激憤恨爭乘起釁酒薄致圍又可徵矣前日倭船滿載累萬物件不換米布盡散設還此非潛商何由賣盡乎然則開市禁物只滋弊害果何益哉若弛此禁使彼此交易之物盡入開市而峻潛商之法則我民不勞抵冒法禁而公同得利倭奴亦免分費商物而各售所欲何苦強為潛商而爭陷於重罪乎潛商既絕則密通事情之弊從可杜矣

本司回 啓中許其開市而重斷潛商不饒云者
但為此利害耳雖然無點名剗簿之舉則往來名
數難以譏察其欲收稅者亦非為權利也但要詳
其譏察之數也臣久為宣慰使熟諳此間事狀會
本司來議回 啓悉 達素懷矣不意堂上郎廳
俱被論劾本司非六曹庶司之比議若有失則臺
諫但糾正而已請罪堂上郎廳自臣而始臣雖無
恥何敢更抗顏於籌畫之列乎但臣區區之意今
日待倭恐捨此而無善處之策臣職可罷此議

棄惟

聖明裁擇爲臣父病頻作每抱憂悶心思

荒落尤不能察任伏願

聖慈亟

適臣職以全

公私臣無任惶恐祈懇之至取

進止

請勿別遣陳

奏使謝

恩之行

兼

奏辨

明劄

伏以臣積傷病叢安頓床席伏蒙

聖慈遣醫來

診

賜以珍藥狗馬之疾賴而減歇感激涕泣不

知所達第病根深痼餘熱淫盛沉綿引日眩仆不

起乃以政府爲養病之坊尚稽趨

謝煎問同措

謝煎問同措

往者臣在備局會坐得見 中朝通報部科題
奏未悉 本國事情指語亦過貶薄故因 傳教
之下請遣使 奏辦矣更為思量去秋 本國已
為此事陳 奏而該部覆題未知作何准下 謝
恩 賀至兩行先來亦無別報如止於揚宗業張
鍵之 奏辭而已則宗業之謬說前 奏已盡張
鍵之斥 本國乃是措語間事指出對辨似無實
狀可據別使陳 奏恐涉太煩無已則冬至使回
還後當有 降 勅謝 恩使臣業已差出兼此

而發奉 奏辨明恐或要當臣又有一慮閣老李
廷機雖被劾在家見今閣老供職者只有葉向高
一人故凡公事必往議於廷機廷機性狷狹昔年
處東事也向 本國人少款接之態向高亦非溫
慈寬恕者待我頃簡忽曾見此人刊行其文集三
十餘卷其論朝鮮一篇言 中廟朝反正事極其
悖謬至斥以篡奪臣赴 京時竊欲呈文痛辨大
事未完難於提起含婉而反今引 中廟朝請冊
封章敬事例而為 奏倘不幸而有意外之辱捫

舌何及且聞六部署堂多闕禮部只有一侍郎翁
正春而其人也亦執經性窄曩在翰林議及征倭
全不占 今國逮今莅本部又多簡蔑當此 中
朝浮言蓄疑之時頻繁遣使繼請 盛典若被此
三人相唱魔障以平日簡蔑之心肆為排斥則使
臣雖欲周旋亦無路矣事貴萬全謀之必周亮令
陳 奏使擇帝解事還中微試部閣之意而迴還
然後備無不具策無遺慮乃始發行似無後悔伏
乞 細加 睿諒如以臣言為可議 俯詢裁處

幸甚臣知慮所及不敢不自盡擬於公會與諸僭商
畧以稟病未即瘳時日漸晚敢達下情以備
採擇臣不勝跼伏惶恐之至取進止

辭職劄

伏以臣既被公論重効勢難舉頭扶病草劄瀝血
陳達氣之神昏語無倫次伏奉聖批驚竦流
汗隕越罔措旋蒙召命累降促令參鞠獲戾之
身進退俱罪席藁煎悶祗俟嚴譴臣之情悶已
具前劄不敢更有塵瀆第鞠獄大事累日停廢臣

罪益重不知死所臣之無狀極過涯分重招定孽
被斥萬端指劾之辭狼藉於前後之疏劄傳播中
外衆口詳說如此而仍復抗顏於具瞻之地天下
寧有是哉舉國之人咸知臣決難更就朝列而
幾下猶欲曲收爲臣之狼狽至此日甚不亦慙乎
況今獄事垂畢而李春蘭之獄則臺諫已有斷案
不必待負罪之臣而乃可了也數日以來殘疾彌
深身不帖席目不交睫有同狂易以彼以此斷不
可虛帶職名彌積罪釁更乞聖明哀憐區處速

賜鑄罷臣無任惶悶悲懇之至取進止

辭職劄

伏以臣之情懇已悉於曾進十五劄中伏想一天
鑑亦必洞燭危惻第臣悶迫之狀又有甚於前
日獲災既重父病漸深風痰沉痼喘息如縷遑遑
朝夕憂懼填臆向來血誠乞養者唯欲一日少伸
烏鳥之私今則疾病如此欲養亦難為矣情勢日
迫豈遑於役政而相職雖似慢丞亦安可任其退
外而仍帶虛號耶頃者恭遇國家大慶抗顏

就列而家童來報病者已數次矣幽憂盛禮惴恍
度日 賀祝甫畢旋即辭歸廝輿市井亦多以臣
之進退為嗤議者矣臣以必適之蹤跡又重以不
可去之病患處伏窮谷半歲將暮仰惟 天地父
母 推恩體下 曲遂萬物一有向隅其不為慙
念矣乎往在 先朝臣舅故相柳埏赴 京病還
先王以其時領左兩相俱闕即適其職改卜他人
誠以國不可一日無三公也今台席俱曠而臣還
朝無期以私則難苟冒以公則宜速處伏願 聖

明 酌諒事勢 查照舊例亟 適臣職以全
國體臣情塞語盡無任瞻仰祈祝之至取 進止

辭職劄

伏以臣十章陳 乞罄竭情悃 聖批每下益增
惶懼抱悶屏處又過旬日問其所被斥則害正欺
君而時議之所共背也問其所自處則叨百揆之
首而曠職浹三月輿臺之賤亦言其難苟據矣以
至中外之人皆曰自古以來名忝相臣下垂於時
上無補於 君久帶虛號未有此比臣雖頑鈍無

廉恥每聞此等指點面惡心死豈其能晏然乎孔
子曰君使臣以禮臣事君以忠人臣之道事皆合
於義然後始可言盡忠矣安有辱官謝事而可擬
論於此義者乎義既不得不退則抑勤強留非禮
也貪戀苟容非忠也臣之不幸遭此厄會但誦杜
甫未忍訣堯舜之語三復流涕而已臣本駑緩於
世無左右於人言無芥滯則衆所知矣豈以前後
儒疏為進退之斷案哉獨念所忝之地人所具瞻
與庶官不同手繫口噤苟充其座是弁髦土木而

已國之置相豈端使然而臣亦負平日所學寧
不為可悲乎豈謗目深蹤迹益難縱欲抗顏承
命竭力自効只為美悔之資其誰敢信德不早矣
去終心為善隨之歸及其盡朝廷而焉苦又
之無望雖而何及乎重以福過之災近來省人非
叢集也竟受迫自六月以來老父所居病氣熾矣
一家之人相繼卧痛迄未殄息臣亦於本月十一
日重患霍亂氣塞殞絕不省有聞慈之命翌日
臨殯臣定遠承留部之教馳勉扶危德臣之

令濕風疾積發為患肺痛咳嗽之類六氣每令老
父衰羸多病孤卧床席故護無人臣亦不依違直
若然亦作父子相望視視九世積憂之鑠時歲年
未五之情事路人斯於作惟天地覆育之仁何
不一遭諒而獨害此一均之遂其然耶臣實有言
不一所言抑臣之知以招諍而為之器者無非所
自取也傳云不信乎朋友不信乎親矣不順乎親
不信乎朋友矣臣貪恩苟寵無一點為遠棄老
父至半生之久其罪大矣不待他人以竊取之

位之鄙夫而臣之負愧深矣謗斥之四至亦由臣
之素之學力行義不見信於人耳其於人之攻之
也又何難焉況臣早出仕逮三入相府暴進易敗
知是不厭乃古人之明誠臣之愚竊冀行其取疾
顛理并固無無可怨尤如得數年閑暇得自盡於
義不之憾又以餘力閱聖賢遺書致意於檢身百
心之地必立於本然後遇事 聖明則庶幾行之
不礙不至知今日之國亦矣仰惟 陛下春秋高
聖主之六馬之齒亦不至衰脫使之退歸終養尋

聖明
而音受致於他日大豈晚哉伏乞
司憲請聖天 處臣職聖 卜他相以全公私不
勝區區之無任功迫屏營之至取 進止

註疏

代以巨之問進情重整累牘日祝 天鑑於閔
區憂天家 聖批 施於逾迫既辱重罪苟據慚
惡何顏承 今元功闕廢曠職持以罪矣日積耿
耿是夜鬱抑成疾方寸漸亂萬事皆惑強帶靈術
貽傷損毫分無補願忠雖至心與勢乖泣涕奈

何日中則具月滿則虧天道此然矧伊人事踰溢
而能無患乎臣以謂村小器謬當重任三益相府
竊崇崇秩今至十四年之久福過之災隨歲益甚
在公官將若此在公父病頻作尚且云行尸素度
日人非鬼更何可得進自六月以來公父所居癘
氣熾發一家之人相繼為患昨門前急病憂先劇
老父了無生氣公亦床席汚無護攝心魂飛越不
能自定唯以職名在身冒出付恥恤恤嚙悶遑遑
罔極天從人欲昔聞斯訓聖德適覆終必

諒察疾痛屢呼促侍父母庶 燭危惘以遂至願
報効 聖明采日甚長竭力移忠寧少効死之會
臣不勝悲懇功迫之至取 進止

辭職劄

伏以臣伏蒙 聖教累下窮谷竦慄殞越罔知所
措臣之難冒本職之狀瀝血十四章呼籲盡矣
天鑑尚不 賜矜許悶蹙之情更何訴哉伏念
法幾移御乃二百年基業重恢之慶 儲宮大婚
是億萬載 宗社無疆之休凡在遠近士庶無不

歡忻抃

賀以躬覩

盛事為幸况臣忝名舊臣

而從相職之後感喜祝慶寸腸激越其欲奔走蹈
舞以畢至願實在於人後哉竊謂抗顏趨詣獲容
大禮則犬馬之誠庶足少伸而徐按情悃亦不害
於冒恥矣方殷刻日作行不獲罪于天臣父自
本月初卜日又得重病頭疼如刺寒戰靡寧連數
晝夜不得片時安曉又不下一匙食艱用和解止
痛之劑熱勢雖似少退而惡寒並刺間作脾胃頓
敗元氣漸奪僅卧床褥有加無減臣自前屢懇

以難達於親側者唯慮其可此等患耳次厄稠疊
煎憂良俱難望 宸極屈深哀泣仰臣荷帶重荷
瘵曠年歲不遑不仕以度時日來尸位案列莫
有知臣之比地間進退之憂者夫豈則飾屋夜起
繞壁雖在一家之人猶不知臣之在情至此之極
焉則外間之例論者孰為之無恙而諒此勢乎臣
又忝 嘉禮郊監都提調之彌出外兩月猶不見
處置盛伏之中尤極惶灼目今首相已出 冊禮
又迫此則當照舊速處毋致欠曠伏願 聖慈憐

察微臣情勢重念國家事體臣之本職及嘉
禮都監都提調臣命適差以全公私臣心魂飛
越無任惶懼聞迫之至取進止

辭職劄

伏以臣之情勢供職無路頃拜第十六封劄旬月
不得命意謂螻蟻危懼天鑑盡燭兼且相職
久曠必蒙裁處煩籲之誅庶自茲得免矣伏捧
聖批嚴峻猶舊臣之前後苦辭都似未經睿察
將慄涕泣不知死所抑臣不幸重遭譏斥大辱名

器蹤跡狼狽以留都承命一出人多駭指後
因大慶遙詣賀班強議又起貪戀雖極羞恥亦
重綴欲抗顏奔走而喪身益成終累清朝顛覆
而退何報効之云哉人臣徇國進退雖異為忠
之道固非一端臣雖無狀豈是惜軀命而負恩者
哉臣父自日寒之後風疾尤重衰并病患逐日添
發飲食全廢氣力如縷僵卧床席起居須人子
至情難於變離雖在方就列之時而猶當顛倒奔
救豈其來在傍側見所憂之日深而能忍於遺親

予臣自六月至今瘼曠待 命過半歲矣尚帶虛
銜誠非始慮所及伏聞 國無三公為日亦久凡
百稽滯豈可一二數乎如臣之憂悶切至終不得
不適者祇合早 賜鑄免改卜賢德以濟公務不
諒情狀寘之淵谷徒積罪戾庸何益於公私乎臣
受 恩深重銘鑒心骨誓死圖報素所蓄積倘非
萬分不得已者慙血塵 瀆何至於此極哉伏願
聖慈更 加憐察亟 遣臣職以全事體瞻望
宸極精魂飛越臣無任戰灼竦聞懇祝危迫之至

取進止

辭職劄

伏以臣之情勢竭盡陳達日祝天鑑俯賜

裁處伏奉第十八劄批教詞音極嚴極峻魂驚

魄補心骨俱折悸慄震悸歷日靡寧直欲闕地千

丈深蟄自訟剖肝瀝血以洩痛苦負罪惶惑晝夜

迷錯兼又灾患稠疊父病添劇痰上為厭近來益

數入則嘗藥救急方寸荒亂出則仰天揖臂精爽

崩迫遑遑恤過了旬日職名在身歲律將變弱

念國無一相今入三月臣之所遭厄憂又是同僚所無若徒事竦蹙默焉苟度是君父之前猶有隱情誠實未孚事體愈傷其為罪尤重矣悶歎超超敢復仰首哀鳴唯聖明體憐為臣雖無狀忠孝之性根於秉彝一念炳然况旦出仕途濫受國恩頂踵毫髮無非殊渥所被常恐不得死所無以拜先王於地下當此送往事居之際忍辭寵眷便欲充竄自非病風而蹈水火者不宜無他端而至是也不幸臣之愚戇不能俯仰順時以致

左右之間群咻叢集或斥以害正欺君或詆以

貪爵鄙夫或肆詬於稠人廣坐之中或見一公事

而訾議無所不至仰惟朝廷乃祖宗之朝廷

也卿相之職乃祖宗設置之位也臣以公磨之

身羞辱名器貽累聖朝固已大矣假令不計廉

恥仍欲冒撓動一手足發一言議適足以增謗罔

而益罪案耳覆餗疾顛何裨益之有哉不退則

朝廷之辱滋甚退則庶乎公私兩全控免之章誠

出於千萬不得已者瞻戀宸極泣涕漣如而已

臣之乞退初但如是而到今此又非暇論矣臣父
臨年衰削疾疾日發入冬以來長在呻吟風痰為
祟痞塞不通專却食飲艱難調下見其億敗之狀
日深月異寢席之外不能運動頃者乃至因訛傳
之音而親戚顛倒來問人子之情當此境界尚能
及於外事乎窮谷非帶職久留之所殘郵困將
命適傳之獎坊擬就伏京輦以畢懇私父病如上
所陳晷刻不可離矣寸步不可動矣事勢極難狼
狽罔措伏願 聖明思相職之以曠 慈下情之

益戚亟先 許帝改卜賢德以濟 國事以遂微
願臣無任惶恐迫涕泣祈懇之至取 進止

辭職劄

伏以臣憂惶悶處不知死所歲律昴新春陽漸長
昆虫草木俱被德澤臣獨飲泣尚墜淵谷自念狼
狽之跡灾厄又極入而嘗藥方寸荒亂出捧 聖
諭毛髮俱竦欲雪涕哀鳴則 嚴教累降悸慄固
措欲含默苟度則帶職淹久罪戾益甚撫躬心折
開口言咄恤恤遑遑時月又換臣之情事 天實

鑑臨不更號於父母而終何許哉臣父自上年
以來三患重病氣力如縷過臘入春長在呻吟委
頓床席猶未啓戶親戚來問見其羸削萎爾之狀
無不驚嗟悲慰而去其異盛年之人嬰疾待差之
比逐歲轉衰積日愈痼懔懔懷懼朝不保夕昔年
臣母卒纔免夭偶嬰一疾戀臣而不得相訣遂含
怨於地下臣每思此痛肝腸崩割天地偏窄父病
彌留今復如此此際此情誰更深諒臣父氣力全
之勢難移動斯須異候不忍離去事勢如此抱悶

蟄伏累蒙

聖教

辱及窮巷一承

嚴命廢食

連日村野之人亦惡其難處臣受國厚恩叨冒

匪據死而圖報常恐後人今反為村里之人之所

惡豈得曷刻自安於心乎臣雖無狀事君之義

竊嘗有聞偃然退處飾辭瀆擾以自陷於誅戮

則臣亦決不為矣臣心迫塞未能暴白寧欲闕地

深入而祈祝宗之過死而已今者鼎席久曠庶務

多滯曩臣曾達臣之外舅故相臣柳垕一劄即適

者先王唯慮三公久闕而處之周全國事不

墮下情亦安其時傳教有曰後再有處置此時不
得不適其不可為法乎臣之控章已至北餘度矣
祝天待命又過七箇月矣殞越無地漸發狂
疾伏願聖明深念國事曲諒下情亟遣臣
職改卜他相一以及此閑暇修舉庶政一以保全
父子相依畢命於公幸甚於私幸甚臣無任惶恐
戰灼涕泣祈懇之至取進止

辭職劄

伏以臣憂惶悶鬱未知死所歲律鼎新萬物盡歡

臣獨不幸殞越淵谷撫躬心折開口言咎自念控
章之上已至北餘度矣曠職待命又過七箇
月矣聖批每降毛髮俱竦之病有加方寸益亂
下情若此天聽尚阻雪涕中鳴私自憐矣臣之
愚駭重累名器一被深斥誠難再辱其周章乞辭
之狀聖鑑已俯諒矣人非叢集鬼責相疊老父
臨年風痰為患自上年以來三耐重病氣力如縷
過臘而後入春累日委頓床席猶未啓戶一旬之
間呻吟八九親戚來問見其羸削萎爾無不驚嗟

悲慰而去此非平人嬰疾待差之比年換而衰轉
甚日久而病愈痼懔懔懔懔朝夕艱度而苟帶職
名頻荷 勉諭封章郵卒亦憇其難處臣非木石
寧得安心乎臣情悶逼抑未暇一二數矣抑
國家事體不可在下之灾厄而任傷壞也目今
相職俱曠天道一變不但軍國治務積日多滯其
於中外觀聽亦有嗟損憂臣言臣之外舅故相臣
柳堯一割即適者 先王嗟慮三公之久闕而處
之周全公務不墮下情亦安其不可為法乎臣之

狼狽非止如古人之身病而已心事迫阨漸發狂
疾仍據於不可行之職閱歲經時徒長罪戾竟何
為哉辭已竭矣情極戚矣終晝達夜仰天攢祝
伏願 聖明深念 國事 曲諒下情亟 遣臣
職改卜他相一以修舉庶政一以保全微命臣無
任惶懼戰灼涕泣祈懇之至取 進止

辭職劄

伏以臣頃患賤疾率賴 聖恩 賜以珍劑治療
少歇代過 國家無前之獄層見疊出痛惋罔極

扶曳參輜乃蒙 聖諭丁寧軫念至 命調理而
行臣尤不勝惶感龜勉趨仕以顛仆為限不幸內
傷轉深食飲日減自本月十五日復患頭痛惡心
等證至晡後轉甚咫尺之地不得承 命入 侍
輿歸私第遂反吐泄沉迷困頓僵委枕席及胃極
重水飲亦吐眩如醒毒不省人事加以上焦諸熱
積蓄為重偏頭緊痛喉舌焦乾頃刻之間不能堪
耐念今 國事方急相職俱闕臣於此際公私狼
狽不知所處伏乞 聖明特量事勢罷斥臣職俾

得安心調病以延微喘 亟下新相使察職務不
勝三顧病深呼籲言無倫次臣無任惶恐悶迫之
至取進止

辭職劄

伏以臣飛疾際發當此 國家遑遑之時不得諂
仕者已五日伏蒙 聖恩賜以良劑啗感涕泣晝
夜耿耿意謂疾勢少差旋以扶曳詣 闕陳達
下情隨察於輟通之期久不圖病如深痼今則疾
核凝結於肩背間者漸為滋大欲投藥消解而內

熱增蓄欲施鍼治療而下手不易狼狽悶迫罔知
所處目今國有大變百事皆不暇言而相職俱
曠前頭種種考績亦無以成彫臣之負罪煎慮何
以盡達乎伏乞聖明特旨情勢一罷斥臣職且卜
他相俾塞公務不勝至幸臣無任惶懼懇感之至
叩 逆止

詩
命
制

失以臣之秋三尋聞蛇之出而或招蛇得同測
髮堅身遊通疾往今三明時外火索聖恩

清江雜錄卷之三
三

與天同大下而合氣是也此其大要人
臣既被三代之職之昭明也當其時乃
可齒諸五人今賦焉所傳之人但不合之而臣
系在大臣之末過蒙 聖明焉者 焉其之思非
惟不問 之論論分此非復之二臣及不當臣
於驚悸惶惑之際又何 殊途之其要而天揮
涕而已第 國有刑罰公義至重臣言月承 恩
命抗顏而出則左右之中謂臣如何繫囚之人謂
臣如何輿臺行黜謂臣如何遠近傳聞謂臣如何

昨夕 久御外殿宣召至三臣之狼狽悶迫之狀
欲備達於 榻前而不顧帝體收為諄諄則鞠賊
之辭臣各狼狽當時量諫一語之推考則猶不
敢晏然默斷人罪所以人臣與內閣名之賊而安
心在坐夫豈可理哉此特為其時之一端耳
其他種種不一而足可以盡言之也飛龍長病待
命之明通憲無倫次失乞 聖恩更示酌量亟
與三其下之司事等受委重責不勝主臣無任惶
灼震懼聞均乞追之三取 皇上

臣晏然為推官之首指揮按覈心豈得安乎 聖
教每下臣心震盪臣之事勢正如墮千仞不測之
坑塹而牽挽強趨於益險不可蹈之地每出入
關門步履欹危視聽惶惑愴恍失常心既不安其
發於外者自然如此難以強作向來所患疾病因
而添劇呻吟痛艱楚之狀見者無不憐問此皆報為
寵極福過灾生橫厄叢萃尚誰咎哉仰惟 聖度
如天 軫念舊物當此罪籍必欲 曲全昆虫草
木之微亦知感被乾坤之澤臣雖至頑寧不動念

顧以國法至嚴公議可懼再度承命迫於不
得已而衆聽已為譁然咸加首點出則甚違法憲
入則坐孤聖教以此以彼舉足無所臣之進退
極可悶矣嚴召累及病勢又革伏地煎悶不知
死所唯願聖慈特量情勢亟罷臣職以全事體
臣無任惶恐悶迫涕泣祈懇之至取進止

待命劄

伏以國有刑章苟出賊招一左一右法毀弊生臣
忝在推官之首而反為弄壞三尺之人則他日公

議謂之何哉臣不幸姓名既汚於兇賊之口有罪
無罪自當明覈審處况賊招現出之人或被拿囚
或名列推案而獨臣晏然抗顏按問同出一招之
輩獄體豈如是乎 聖澤隆厚前後 敦諭深坊
曲盡臣非木石亦粗識事 君之義若非大段事
體所係則當此 國變罔極之時寧不勉承 恩
命而敢為引避之計乎伏承 聖批一向敦勉此
實臣情塞辭溢未能盡暴肝膈而 天日之明猶
有所未燭也處身無所撓抑何懇昔在 光廟朝

李施愛欲離間股肱之臣聲言韓明澮申叔舟為
內應一時風雲魚水之會非賊讒所行而光廟
猶下之獄明廟朝己酉之變李浚慶以兵曹判
書亦出賊招當時孰不知其為誣妄而浚慶辭適
本職誠以大獄之下論議至嚴其所自處不得不
如此矣由前言之入參推鞠勢所難為由後言之
終辭職名明有舊規反覆思度臣之不可冒出也
矣矣耿耿達夜目不交睫心疾尤重諸證添劇仰天
揮涕不知死所伏乞聖慈亟賜斥罷以全公

私臣無任惶懼戰灼之至取進止

待命劄

伏以臣悶迫狼狽之狀已盡於三章而聖批又下辭旨極嚴至責以不恤國家之憂且勉以赴難之義奉讀未半肝膽墜地震慄惴惴不知死所臣之姓名既汚於賊招而同出於此招者方被拿問臣若不顧獄體晏然冒出則彼被囚之輩謂臣如何當其推覈也彼必恠訝臣亦羞惡古今安有名掛賊口而坐鞠其同出一招之人者乎今臣

之不可察鞠中外之所共知而 聖明每以強避
不當避之事為 教公議可畏 聖教愈峻臣遭
此不幸將何所處身耶自遭禍厄心魂驚喪重墮
維谷煎悶罔措廢寢却食今已數日舊患痰疾益
加緊重晝則忍痛伏枕夜則倚壁達朝 命召連
絡不得趨詣罪戾尤極只竢 誅譴伏願 聖慈
憐臣危迫亟 賜斥罷以全事體臣無任惶懼涕
泣之至取 進止

辭職劄

伏以臣自前月以來連患疾病僅僅供仕氣證眩
證漸益重發精神頓喪筋骸俱解起動之間呼吸
短促喘懣呻痛良以靡定每出入殿上聲徹
御榻或退而眩仆未即強起此則衆目所憐覩也
日久患深身憊病集浮熱上襲頑痰中結書則百
味皆失唯思冷物夜則寸刻不寢倚壁達朝今又
猝得暴下之穢疾半日之內度數極頻當此國
事方急之時不得超仁至蒙嚴召累降終不克
奔詣惶灼悶蹙不知所處伏願聖明矜臣危疾

非朝夕可療並 查先今析免事理亟 通臣本
職以全微喘改卜他相以濟 國事不勝至幸臣
無任悚慄切迫之至取 進止

辭職劄

伏以臣賤疾重嬰諸證互侵狼狽日深罪戾彌積
伏蒙 聖慈軫念舊物不 賜嚴譴乃反 遣醫
問疾 降以珍劑前後 聖渥曲全微喘感泣銘
鏤唯有隕結而已抑臣福過灾生種種有徵踰溢
之害到今益甚靡論其他只以狗馬所患見之中

氣之虛敗有似神鬼為戲日異而月變氣證此痢
俱是氣脉逆行腸胃失常之致而乃兼發於一時
呼吸喘急起居運動俱不能自由呻吟數日委頓
頽劇伏聞日間一聖候未寧今復親臨鞠掖垂
下召命臣瞻望一宸極心魂飛越臨當危帶出師
又值穢疾難制不克扶曳詣闕以達下情惶
戰罔感措躬無地伏願三聖明憐察臣之情事自
蓋危迫望賜罷斥以全餘命並卜新相以濟
國事臣無任詠懷待命之至取進止

卷之二

洪陰先生文集卷之二

漢陰先生文稿卷之六

疏劄

陳遁村先祖被誣事實劄

伏以臣八代祖字集熙字聞人初名元齡以元至
正七年高麗忠穆王丁亥歲登科文章志節有名
當世如李穡鄭夢周李崇仁諸人相與為敬友恭
愍戊申歲以抗直觸忤賊僧卒眈眈將捕殺之竊
負老父晝伏夜行投于慶尚道永川同年上舍崔
元道家仍遭父喪備經艱楚事載成倪慵齋叢話

及恭愍辛亥歲賊屯伏誅始還家鄉以得免慘禍
有同再生乃改名號名曰集字曰浩然號曰遁村
牧隱圃隱陶隱諸稿序記甚悉自是無行世之意
為奉順大夫判典校寺事未幾退歸驪州川寧縣
躬耕讀書時以詩筒新粒問遺李穡鄭夢周等穡
與夢周歎歎有書恭讓丁卯歲乃卒夢周崇仁等
又以詩哭之俱載遺稿厥後歷累年交遊諸賢相
繼淪沒而高麗革命我 聖朝開運其事蹟顛末
班班可考如此逮撰輿地勝覽任士洪父子甚嫉

李克堪兄弟乃誣撰史者以李集入我朝為是
職遂記注廣州本實人物下繼以註詩林者承襲
訛謬使傳信之言終被誣譏意小人之無忌憚而
肆冒隱其失乃至是矣姓在先王朝經筵官
洪迪啓稱李集歷朝賢士出處大節無愧古人
撰輿地勝覽失實訛改之先王有後日印出議
改之命適今公羅道刊印是書追先王之遺
教章國乘之踵謬正在此機一時記載得失雖
細千載勸懲係于風教伏乞聖明特下儒臣詳

訂釐正以昭示後世則載籍無誤袞鉞有光豈但
朽骨知感後裔榮幸而已臣不勝惶恐隕越之至
取進止

陳大君不可加罪劄

伏以臣自夏秋之交疾恙重發氣證眩證痰厥諸
病相繼緊作每覬勉隨行呻吟之聲不絕口吻此
則朝列所憐悶也本月初二日夜患霍亂極重達
夜吐泄飲藥僵卧召命之下不克趨詣以致鞠
獄稽廢去夜又患痰厥氣上六脉結滯惛恍怔忡

殆不省人事伏念 國事方急之時臣抱病廢仕
至有及時議 啓之事亦未能扶曳而進罪戾彌
大不知死所伏蒙 遣醫診疾 賜以珍劑臣益
增感泣無以仰喻抑臣不幸 罷榮踰分災孽存
至上年冬劉陳福過致禍者到今益售百病叢發
衆謗交鑠竊恐身死志喪未報 聖恩而目不瞑
於泉下矣每一念至自然流涕而已臣雖無狀粗
識事 君之訓常自以期勉者庶不為庸瑣鄙夫
之歸曾在 先朝逆肆有殺害宰臣之變邊良傑

柳船等欲明獄捕賊相繼受刑幾死舉朝咸知其
冤默無一言臣不避私嫌劄陳其狀蒙先王聖
明獲免大譴永慶專國自恣偽致犯陵侮賊講
和而誤邊事也臣獻議累數百言歷數其失永慶
怒臣而斥罵者多矣當逆肆永慶聲勢熾張之日
臣任直而當怨者竊悶在朝之人誠薄於愛若
耳寧顧禍福以欺赤心逮聖上臨御受恩愈
重老父臨年超躋宰列諸子無知盡通仕籍身居
百僚之首名忝勲府之盟沐浴膏澤又不知其

幾雖在昆蟲草木之微其感被 洪造而捐軀効
忠必萬倍於他人况當今日無前之變每承 聖
上疚懷之 教肝膽如割寢食俱失一死之外更
有何念君處環之事自 上遇變盡倫遠出古聖
賢之上群請逾迫 聖諭益懇中外士庶孰不感
泣於絲綸之下哉環未離襁褓已為禍本逆瑾永
慶之伏辜皆稱以由環焉則環之為兇賊之奇貨
其所從來者漸矣環死則禍根絕而 國家寧環
不死則人心疑而 朝廷危凡有知識皆欲速處

在朝諸宰誰無是慮但雖預知逆謀年或未滿法
不得刑法者王者所謹守也臣與諸宰不敢苟同
他論唯以此也仍念逆謀之變幸賴 殿下曲為
全恩嚴萬之來查也快得辨明及臣到廣寧誣說
喧播有不忍聞嚴某回報始知事情無說自破而
聖德益彰明於咨揭之間今又廣寧妄官朝暮若
出來則遼左帶來人多解 本國言語意外訛傳
亦所深念周詳善處亦非失矣妄慮如此與諸宰
姑退此蓋將順 聖上之至意而不覺慮事之過

於近耳非謂屏黜而便可絕禍本也伏見王堂劄
中連加誡片目以縱賊危君之罪自聞此語髮豎
骨竦罪苟至是則無所逃於天地之間何敢更抗
顏於朝列乎公議懍懍臣伏罪之不暇而抑其中
有不得不陳達者自古乘時危亂角力而取寶
位者一判名分民志已定奸窺之後自然帖息况
我聖上毓德春宮光恢先烈仁聲入人爭望
盛治縱有數三兇逞欲萌亂於其間而奸謀發覺
則如白日中天魑魅魍魎消滅而無迹豈可過為

疑懼於不必慮之地哉一種說話每以網漏兇黨
嘯聚更起為大虞審如是也在朝諸臣俱受一國
恩俱有耳目慷慨發言奚讓於他人彼王堂之論
雖出於過慮而遠近所傳人心疑恠陸贄以孤疑
過防為深戒者正今日之所當法也噫自己丑逆
變以來兩邊分明爭相揣陷治逆護逆之說為自
中爭鬭之赤幟世道日降此習轉痼倘靡一聖明
在上洞燭明決則群情舉皆自疑夫豈有完人乎
目今人心日益渙散朝著日益紛擾外寇有朝

又必發之形兵備無毫髮可恃之虞比於泛漏船
於滄海之中而撞摧破絕恬不知收葺一遇驚浪
將安所稅駕耶是固人人之所懔懔也而朝廷
之上未聞有深念及此者乃以彼此爭論為得計
良可悶也臣弱冠筮仕到今三十有四年露被
兩朝洪渥嘗見朝廷百弊皆由於縉紳朋比之
習慨然每自語曰范純仁謂責已猶恐不明責人
猶恐不怨為庶官者常以是自勉而又責諸朋交
則黨護之病自可除矣洪範傳又云人無有比朋

人無有比德惟皇建極明黨之去只在君上之立
極而立極之要亦唯以居敬窮理之學闡明出治
之本源隨事應物毫無偏倚而為群下標準之極
則枉直輕重自露於鑑空衡平之地疇敢眩以是
非哉臣如遇相識則以忠宣之戒告諸人又侍
經席則以皇極之意望於上耿耿此心一天日鑑
臨臣心既如此故少有親比字列後進臺閣名官
絕無非公事而到臣門者臣亦難在同列而不為
尋見所戴者唯聖君所憂者唯職事耳孤蹤任

性遇事敢為癡癡不改國人所悉茲者出謀慮事
盡成譏罵願忠効誠變為罪案欲檢飭機務則掣
肘不行無一收效欲徙竊爵位則積愆逾甚坐速
罪網儒生既抗疏而斥臣矣臺諫又發論於兩司
之完席矣玉堂連劄又斥臣以極罪矣臣於此時
不顧廉恥蹲坐不退必致國事日非身亦終陷
大戮聖上今日曲收管履之恩反增臣日後
禍患而已曩日榻前伏承聖諭至以臨難引
去為教一天高日遠恐未盡燭臣之本情也自

壬辰之初臣之蹈履死地衆避直諫人孰不知之
辭安就險讓夷急病此臣素所蓄積倘他日有難
而縲命尚存則雖在丘壑豈忘以一死報 殿下
之恩哉嗚呼艱危日甚狼狽又極臣處身無所而
猶貪戀 榮寵含默苟違及其時事由臣而漸敗
噬臍貽悔則自誤而負 殿下也必矣寧不悲哉
伏願 聖明深 量時勢又 察臣情亟列罪辜
先罷職名甄拔寸德可以伏一世者登庸鎮壓以
濟 國事不勝至幸臣之此言字字血誠如蒙

採擇庶有益於公私惟 聖明母視以例辭焉臣
無任涕泣哽塞戰灼悶迫惶恐懇祝之至取二進
止

乞致仕歸養劄

伏以臣之老父臣某數年以來疾恙頻發氣力銷
減烏鳥情悶曾已屢摺伏蒙 聖恩時許省救
賜之當藥食物 盛渥如天衰喘得保刻銘感祝
但誓糜粉第以父之羸病隨歲漸深臣之事勢益
難暫離猶復繫官徊徨狼狽親年當漸懼之時本

職非苟冒之地臣欲遵奉 聖教乞由往還則公
私兩妨蹤跡屑屑得罪公議又欲奉入京舍與同
朝夕則棄其便適偏側移寓老人所難千思萬慮
苦之方便每聞知驚死生日忙夕照易飛世事難
必臣之此情填塞膏臆縱費方朔九萬牋豈能寫
之盡乎近因濕熱甚酷老病轉加飲食減廢困頓
床席父之獨處孤寂鬱而添疾臣之結戀相望寸
腸九逝有時見李密陳茂烈等陳情乞養之書精
魂震蕩不知涕泗之橫集也假令臣身關 國家

有無所處如此難責以強仕况臣謗劣癡騃信已
任性臨事勿欺庶竭愚悃無一裨益輒被口語辱
辱名器不一而足如此而尚貪戀苟度則忠孝俱
失衆所嗤笑豈不重可悶哉伏念宋時錢若水年
四十以母老乞致仕文天祥年三十七援若水之
例而致仕茲二人者或當太平政刑修明之日或
丁亂離邊圉警急之會俱不暇國事而棄官歸
養誠以事君日長事親日短公義私情有時相奪
孝理之化固宜先體諒於此也今臣之年老若水

十年老天祥十三年而彼之親老必不如臣父衰
病之甚伏願 聖慈依古先已行之例特許致仕
歸養俾免風樹終天之憾倘或以年紀之遠令甲
為碍也則 祖宗朝多有不論官齒而許令奉朝
賀者俱可倣而行之知蒙 深燭至情 另舉曠
典則 天地之大物皆得所日月之明照無不遍
臣與老父得荷 聖上曲全之恩終始愛超昔人
豈不為 盛朝之義事乎且念若水天祥中年雖
致仕終乃效勞王室以畢其忠蓋臣雖得請而歸

而他日之自期豈在二人後哉嗟呼欲孝無限時
不待人臣今奉親一刻千金方寸交亂偏臆難悉
伏願 聖明深加憐察焉臣無任惶悶祈懇之至
取 進止

第二劄

伏以臣之情勢日益難處叫天控悶今已幾度老
病殘景奄奄易邁此年異於往年今月甚於前月
其憂懼之懷切迫之狀欲數更僕書疏何悉去春
臣父猝患急病一夜之頃頓至危苦臣連曙馳往

艱難救療幸賴

聖恩再延衰喘自是之後尤切

驚慮至于四月間父感微恙服藥獲瘳其時臣亦

擬陳乞往救以頻數為惧而不敢每得消息煎熬

竟夕如歎超超又浹三箇月矣近聞暑毒所觸羸

傷不支全廢食飲長卧床席老人氣力漸就銷鑠

念煎方寸天地偏塞百爾所思終不得方便唯有

致仕歸養以盡餘日庶不為忠孝之罪人耳日月

高遠螻蟻情曲猶未盡燭昨蒙聖教惶恐涕泣

感感罔措竊念大臣之任與庶官不同震撼擊撞

唯直不撓辛甘燥濕唯和不擇遇事勿欺以盡獻
替乃其職也若惟務苟進反傷事體不恤人議久
辱名器棄廉冒恥充位竊祿則只是患得失之一
鄙夫耳嘗點所萃朝廷可羞將焉用彼為哉故其
乞退也當諒其情情之所迫如出於不欲苟焉則
在上者亦宜有以處之以成其相孚之義何可強
責以奔走有若束縛馳驟者然哉臣之謫劣叨冒
匪據素不近似况敢以古之相臣之進退自期而
其情則唯急於歸養病父又異於別人矣伏觀

批旨有大臣爭相不附之教捧讀未半欲死無地
臣之所遭誠極狼狽恩義先後衆所共恕至如同
僚之請告想亦出於其情之不欲苟焉耳以臣上
章嚴教並及臣乞不勝惶灼隕越之至伏承前
後聖諭委曲切至臣非木石寧不感動只以老
父臨年為畢命松楸之計棲遲七載危病歲添朝
不期夕強其衰憊棄其便適扶曳入城喘性違志
以失其調攝則有人子極難處者其間猥瑣之言
又何能盡瀆於天聽哉往年臣父獲霑聖上不

世之優渥擢授堂上重秩感惕拜命半月卧病而歸今比曩時已作異樣人矣臣每歸省輒見其容顏漸變寢食頓異怵惕驚問向誰陳訴臣父亦見臣而泣曰窮谷非大臣久住之所首揆非在外苟帶之任有駭事體汝豈可每來吾之命若可以少延累年則依上教入脩門携兒孫共親戚免汝之憂惱豈不樂乎第年迫墓道往彼未幾昇骨而歸何益於吾郵傳之煩弊食物之思錫重添吾罪吾心何安安心而斃吾願畢矣垂涕相語曾亦

剝剝倚勢力可及則上奉溫喻下適私願豈是非
所欲而不為哉誠有所不得已也以此則遺親以
彼則違命臣之尸位有何補於國而貪戀至此
尚不得脫兩罪耶屑屑往還公私不便村童郵吏
俱覩面目進退無據忠孝俱失咄咄悲吒衆議謂
何噫君恩猶可以再酬父年不可以多得相依為
命更有幾時伏望聖慈憐察至懇特允前請
以遂歸養庶幾烏鳥罔極之情終蒙天地曲全
之恩父子感泣祝聖壽於生前湯火甘蹈誓報效

於來日情既言塞不知所達臣無任惶悶懇迫之
至取進止

第三劄

伏以孟子曰未有仁而遺其親者也夫有義而後
其君者也朱子演其義曰仁則專主於愛愛真切
於愛親故仁必不遺其親矣義則事皆得宜宜莫
大於尊君故義必不後其君矣臣常誦此章而究
諸賢之訓辭程子曰仁者公也義者宜也權量輕
重之極也張南軒曰仁義之道未嘗相離易云稱

物平施稱物之輕重而吾施無不平焉此所謂理
一而分殊也朱子亦謂仁存諸心性之所為體也
義制夫事性之所為用也如水之流動處為仁流
為江河匯為池沼便是義以此推之隨事裁制得
宜而充吾心之所發斯為能體仁義而無負於立
人道矣是故父子主恩君臣主義而處事之權有
時不同時乎當盡事親而曰我從王事弗遑顧念
矣是義之賊也時乎當盡徇國而曰我有父母不
得效死矣是仁之賊也恩義之輕重隨所遑而異

焉烏可一槩論哉今臣事君日長事親日短在朝
則有苟冒之誚不歸則貽終天之悔使古人當此
輕重緩急亦必有所處矣伏見中庸九經體群臣
居其一而朱子釋之曰體謂設以身處其地而察
其心也人君之待下也既以身處其地而察焉則
譬猶驗諸四體一有麻痺痒痛便覺其患安有麻
痺而強其屈伸痒痛而不許治療者哉臣仰籲情
悶虔罄底裡唯時 天鑑必從人欲伏承 聖批
尚靳准許 諭以情義 教之往來惶感鬱抑若

隕淵谷大聲疾呼豈得已乎竊念王者之施仁政
匹夫失所猶且悶然動念臣雖無狀忝名相臣之
後當 聖朝體下之日有臨年病父不得歸養泣

涕向隅情事不伸則大有累於孝理之化豈不重
可愍哉患莫大於心病而肢體之疾次之身既有
病則難責以奔走況於病心而能抑而行之哉然
則臣之危迫亦宜蒙 明主之憐察矣宋時歷朝
群臣乞致仕者累章固遜靡有不從誠以上下之
間當推心相與不宜以文具拘持臣之事勢萬分

商量終難在職唯有退養病父以盡餘晷私願既
畢誓死徇國庶瞑目於地下耳比聞老父消息奄
奄益懼遠離累月方寸漸亂益知徐庶辭先主而
去乃為處義之得宜而溫嶠之絕裾真失稱量輕
重難得兌萬世之議矣曠官待命已過一旬狼
狽日深忠孝俱失伏乞聖明更加體憐亟許前
請毋重臣罪臣不勝切迫祈懇之至取進止

第四劄

伏以臣之情勢決難在職瀝盡懇誠累徹宸聽

曉夕翹跂冀蒙 恩命 聖批三降猶不肯 許
豈以臣忝在相職難於遽退循故事而 諭留耶
臣以私則老父卧病方寸已亂以公則外議重斥
名器漸辱無一日苟冒之勢有萬分難處之形雖
欲貪戀榮 寵黽勉奔走而不可得矣臣之不幸
墜此淵谷私悶填膺未暇更論公家事體虧損日
甚百般罪戾兼在身上惶灼涕洟謂之何哉今臣
進而承 命則有两失忠孝而羞 朝廷之罪退
而陳情則有不避煩瀆而違 君命之罪踖踖狼

猥二者不得脫一焉然則失忠孝辱名器其罪甚
重迫事勢而不得不煩瀆其罪似輕臣雖愚駘固
當進大罪而就輕罪仰惟 聖明天地父母之思
其所以 曲全於一舊臣者奚忍使之戚戚然無
所處而終陷於大罪耶昨聞老父消息病暑益憊
顛頻不能起者今已累日痛哭罔極意迫言塞伏
乞 聖明體諒憐察許令致職歸救上以全朝廷
之重器下以遂烏鳥之至情臣不勝悶懇懇切之
至取進止

第五劄

伏以臣之狼狽悶感外人所愍豈日月之明猶未燭其難處之狀耶特以聖恩深厚曲念簪履舊物未忍許其遽去耳臣之違親曠職得罪公私前後章劄割瀝肝血盡矣未暇更為煩瀆抑相臣之職係衆庶瞻望朝廷重輕若人稱其職則恩寵所加非止為一人之榮乃朝廷之光也如或人不稱職身名毀辱非止為一人之羞乃朝廷之不幸也臣謏劣驂充位苟度公不能以盡職任

私不能以償情願出則訾議爭點入則憂鬱竟夕
徃每日月不知尸素已積數歲國之置相豈端
使然而臣之所欲報殊遇於聖明者寧無愧於
素心乎歆後鄭五冒居至此誠非始念之所及而
今復為耐彈之劉綿花其羞辱名器豈不重哉况
臣日聞病父消息涕泣煎慮直欲走歸堂藥以伸
情事帶職抗顏方畏群議指斥暫省還別益添病
父憂惱其他種種不便妨害事體者又不一而足
抱悶猶豫不脫匪據適足以增一日之罪戾貽百

年之悔恨仰惟 天地育物之仁 父母察子之
情其不諒人而益迫之於淵谷乎臣誠惶感痛切
不知所容伏見宋臣歐陽脩言太宗時有大常少
卿孔承恭者年未及而乞致仕太宗欣然許之仍
降詔褒獎以敦勸人倫當時議者稱為朝廷美事
伏乞 聖慈少加哀憐許令致仕歸養則上而公
器得完下而私願獲遂 聖明優幸之渥恩不止
為一時之義談父子相依永荷 鴻私未填溝壑
庶盡圖報臣無任懇迫翹跂之至取 進止

第六劄

伏以臣事迫心危如墜坑塹倥傯日深轉身無路
累呼煩籲唯冀 聖慈體諒極濟伏承 批旨尚
不肯許惶感涕泣益迷所處竊念人之所得以為
人者以其有五倫而父子之親君臣之義居五倫
之首焉若失於事親而欲勉於事君則心德既喪
而根本亡矣為忠之道又何自而生哉孝經亦云
事親孝故忠可移於君豈不信哉今臣欲自盡於
歸養者至情所發有不能自己倘 聖鑑憐念則

寧不惻然於天理之所固然乎臣於去春見老父
氣力日異月減自經暑熱疾恙頻發其視去春必
益衰憊遠離不見月已五穀每誦王安石古人一
日養不以三公換之句腸迴淚迸想望咨嗟情勢
如此其能察職事乎臣亂離之際過蒙先王謬
恩叨冒本兵重任母死中路不得面訣喪被棄情
又失廬墓極天之痛夢猶驚悸今當聖明體下
之時諸臣之乞養者不問臺閣侍從輒許補郡孝
理之化固已感動中外臣之情事比他人尤切痛

前懲後出入啣恤唯以生逢堯舜未忍便辭遲回
不決結蓄思戀短日無多流光易邁一朝世事不
期風樹纏憾則顧復之恩欲報無地永為天地間
罪人將何顏面更見天日念之至此狂疾猝發
山河深阻宇宙空濶而已抑事君之義亦非一道
天位天職小官猶慎況乎相臣何可苟充如或不
計廉恥以身徇官則是為失身而官爵辱矣官爵
辱而朝廷輕朝廷輕而君上不尊受榮反災承
命非恭此豈為小害哉是故隨事勿欺處官不苟

然後方可謂尊君而重朝廷斯義也又烏可執一
論哉噫貪戀榮寵不顧事親非義也羞辱名器
累斥不退非義也全多望實坐致笑罵無所裨補
竊位度日則此又鄙夫之尤可恥者因仍苟且罪
戾山積雖被重誅尚何贖哉嗟嗟遑遑唯欲一日
得免此而死焉則其情極戚矣勢難冒據童子所
知欲責職事但增虧損寧有毫分可以稱塞古之
君臣凡有情事難處必曲為酌諒以遂其願上不
以勉留為惠而推誠相與下不以奔走為敬而唯

義之決禮意相孚兩濟其美曠官冒進俱免譏刺
豈非今日之所可法哉臣之所遭千萬狼狽以私
以公義當速退只為聖恩深重眷戀至今自訟
慚慙衆議謂何臣欲移病求罷則有乖於無隱之
誼抗顏乞由則大妨於相臣之體寧以章劄虔露
懇私雖犯瀆擾庶蒙曲全懸望雲霄曉夕翹跂
聖諭五降淵谷益深方寸惑亂墮越罔措伏望
聖慈推天地生育之仁廓日月照臨之明更加憐
察許臣致仕歸養使得少盡為子之職以勉移

忠之義庶毋負於倫紀則感戴洪造銘鏤圖報生前死後何往而不殞結哉臣無任惶恐切迫之至取進止

斥鄭仁弘搆誣兩賢劄

伏以 國家不幸稀世之變疊見於近日凡在中外有耳有目者不問智愚賢不肖相對輒刺刺吁歎臣受恩 先朝叨職首揆不能隨事匡救納君父於有過之地後之視今其謂臣何生無以逃直士之嗤議死無面拜 先王於地下於悒流涕竊

自憚矣伏見大學修身章愛惡之偏猶戒於意識
心正之後益察理不精則易流私僻血氣為主而
喜怒作焉聽言處事之際權度偏頗動失其則以
至百為皆偽心勞日拙而不自知愈入於傾險危
厲之域舉措垂當人心離散亂亡隨之始由一念
之偏終致滔天之禍嗚呼可不惧哉仰惟 聖學
高明春秋鼎盛其於聖經賢傳之訓玩索至矣在
下之情咸期以堯舜之治矣不意比間 命令多
失衆望任叔英之削科已是前古未有之舉而鄭

仁弘之上剗也力詆儒宗

殿下又替受其厄以

益激舉國之士論臣實愍之夫公論之在世譬如

血脉之周流川谷之疏洩脉病則人死川壅則隄

潰古今天下寧有力制公論而可以為國家者乎

儒先之事士林有定論久矣其道學規模風聲氣

象俱有百世不改之公論君不能以棄諸臣父不

能以右諸子豈容以一人之私見而爭訟其輕重

乎廟祀綏新橫議遽教斯文所尊既被其詆斥則

多士之齊憤理所固然是非之實

殿下付諸群

議可也縱有過激失中之事悖出悖入自有任其
咎者 殿下何苦為左右於其間哉今日 命查
覈而朝列錯愕明日 命禁錮而館堂掃空時象
愁慘遠近駭目孰謂 聖時遽有此等事乎至於
罷適館官有同怨甲移乙闕政之尤無據者 殿
下若以此為可也則是不免為偏意所蔽也知其
不可而猶欲以力勝則恥過作非不幸而近之
嚴教累降輒增傷損 殿下試於燕閑之時平心
深省則其不瞿然於 聖德之貽累乎竊意 殿

下必有後命側聽數日尚未之改血誠引君之
辭如石投水俟間許人之啓易動聖聽輿情之
疑惑到此益甚衆口愈激難於戶說伏願聖明
翻然惕慮削糾之命罷遠之教一併還收以快瞻
聽因又恢弘納諫之路克明聽德之聰使執端
用中之地不倚於一偏建極為準以圖平平蕩蕩
之治則嘉言罔伏士氣大振卿大夫庶人欣欣咸
仰聖德何啻若日月之更也易曰言行君子之
樞機可以動天地況乎王言如絲如綸如緯其

出有漸大者乎清明在躬則志氣若神號令合宜
則人心自服居敬窮理念茲在茲終始慎德懋出
中正惓惓愚誠惟在於此無任祈懇之至取進
止

第二劄

伏以駕劣舊臣忝居首揆目覩朝廷虧損之事
不一而足群情鬱抑氣象愁慘聖德有累默而
不言臣上負先王下負素心而終得罪於公論
死有餘憾矣已而又自語主上天資仁恕學問

高明其於此是非必有灼見只慮鄭仁弘或被過
攻姑以嚴教震之耳將不遠而復又何憂焉逮
過數日七臣力爭天聽未回儒臣進章批旨
益峻聖廟久空舉國驚駭館官在罷不賜廢置
終始顧護扶植者乃是飾虛巧訐打發駭機之人
夫然後臣瞿然竦然竊恐殿下之權衡少有所
係略陳糟粕期補衮職伏承聖教隕越無地
在易咸之彖曰聖人感人心而天下和平其象曰
山上有澤咸君子以虛受人程子釋之曰夫人中

虛則能受實則不能入矣中無私主則無感不通
夫人之一心寂然不動感而遂通者以虛中無我
也苟以私意實之則先入者為主而陷於所偏重
矣以有係之心既主於一隅則所思者朋類之從
安能感通而致光大之域乎人君聽納尤貴虛心
虛則如鏡物來順應廓然大公實則機空衆情不
通奸慝迎合萬化之源治亂之兆皆判於此豈非
至可懼者哉近日之論初則為儒先爭辨而不幸
轉輾相激一節深於一節以致 嚴教累下聽聞

震駭 殿下試於清燕之時平心省察則權度之
用自慊而無悔矣仁弘之劄扶摘摭詆罵先正
斯文共憤惋而臣不暇論矣多士之情衆憤齊起
妄用謬例所為過激而臣不暇論矣試士削科在
今創見而臣不暇論矣掃館空廟稀世大變而臣
不暇論矣今之所切患者莫過於大本唯聖聖
心和平能盡其感通耳若偏係少留念懷時露則
局於愛惡所感至狹公論不入諛言易投播糠眯
目天地易位一墜坑谷左右無攸啜其泣矣何嗟

及矣勲舊大臣 國家之所倚仗也三司近侍公
論之所寄托也諸宰進言而 轉圜未聞是 殿
下之股肱病痺矣臺閣交爭而牢拒日甚是 殿
下之耳目塗塞矣一身之間血脉不通聰明漸涸
則 殿下之所主宰而應物者不其危乎前者
殿下暫示其好惡之表而朴汝樑窺見其影輒誣
引柳永慶觸發天怒 殿下又惑於其說而不自
省悟是何虛於陰中而實於受諫耶表準一偏而
觀望者靡然將見詭詭之色拒人千里而指以為

忠直者皆左腹賊君之徒矣臣不勝痛哭流涕焉
昔金國將亡被圍日急群臣欲以太學生守城金
主曰國可亡聖廟不可空亡虜之言亦可羞矣
伏乞聖明虛心平氣俯從公論以慰中外遑遑
汲汲之望臣謬蒙先王殊渥赤心耿耿誓效一
死唯在為殿下圖報耳伏見昨日下教之辭
心神驚喪達夜仰屋欲詣闕呼叫請一登對以
悉下情徊徨屏營瞻望涕泣惟冀聖明垂察焉
臣無任憂慙激切之至取進止

第三劄

伏以近日先正見詆之事中外之人無不愕惋臣
以朝夕充位之相不能鎮靜庶僚從容善處乃致
天怒重激國體大傷忝在本職尚何逃其罪
哉伏覩前日聖教竦慄無地欲繼上章劄則瀆
擾為懼欲面對達情則苦無其便數日悶處趑趄
今乃仰首再鳴伏願殿下垂察焉殿下以李
彥迪李滉為儒宗而從四十年公共之論躋于東
序拜而享之則既尊以師位矣今被詬罵一則曰

豈君子之用心乎君子之反則為小人矣二則曰
俱有周行已之失此則程子所責以禽獸不若者
國君所尊師之人一朝以小人之名禽獸不若
之辱加之群心安乎不安乎士論憤乎不憤乎人
心不安衆憤齊發彼年少學徒率爾而起曰彼既
詬辱舉國之所尊師當鳴鼓而攻之顧吾無施罰
地矣此為青衿之羞寧削其名不與之同籍矣欲
為先正洩憤而忘其為過激之失其情亦可恕也
若論其失當以理辨之何與於柳永慶而必拈出

其名以為鄭仁弘之對舉哉其意必曰永慶之罪
在宗社仁弘之直亦關宗社以是並稱則天
心易動而吾說可以入矣噫萬目所視如見肺肝
雖欲掩護豈可得乎至於諸臣之論徒駭其為士
林之變倉卒遑遽相繼陳啓未暇緩辭敷析積
誠感動上下之間轉輾相激諸臣之失於此亦難
免矣嗟呼仁弘之排二先正蓋有年矣嶺南交遊
如金字顓朴惺輩俱以論辨之不同而與相絕焉
劉本始至人駭先聲爭相傳告臣私語於人曰學

問有階級義理無限量孔子大聖每曰未有如丘
之好學者顏淵亞聖有若無實若虛犯而不校蓋
君子之心不見人之有失唯悶己之不足仁弘之
徒踈於講學猛於攻人膏肓之佩金鈴以自省者
無乃學功殊科而其流弊乃至是耶視諸謙謙自
益一何遠哉且天下無一定之師惟善是師凡人
之有善皆可師也書謂德無常師主善為師善無
常主協于克一者乃聖學之要訣也設有人焉前
日有失而今日為善則吾所師者乃其善也庸詎

論其既往之失乎張橫渠少悅孫吳佛老而晚年
西銘與大學並稱其可以橫渠為少時有差而不
作師表乎李滉之論曹植只慮學之後弊而仁弘
扶摘詬鱗若報私怨不知仁弘於此亦何心哉學
問之道自灑掃應對以至於性命之說理無精粗
學有深淺階級堂室各有次第苟升其堂則曾參
之魯鈍子貢之穎悟仲由之野游夏之文學所由
殊塗而其入則一也仁弘欲斥李滉謂文學之害
甚於洪水信斯言也將使人盡廢學問而默坐見


心如釋氏之教耶陸學之徒專廢道問學而末流之弊陷溺天下揚眉瞬目惟肆血氣胥淪於佛老之糟粕誤一時後學者未必非此言矣惜乎仁弘身居林下年過七十而其言之謬乃至此耶但孔子之聖猶見毀於人當時尊孔子者宜莫如子貢而不為深辨曰人雖欲自絕其何傷於日月乎多見其不知量也兩先正之臣雖非可擬孔子而所學乃孔子之道也以仁弘論之階級相去遠矣寧不為識到者所笑也此為辱師之甚又何傷於兩


先正乎今之論者但當明辨義理以斥其非而俟
百世之知言者可也如或乘憤深攻使論理之辭
不明排擊之氣先露則亦非君子之爭而終有不
好事矣不幸私憂過慮果如符驗以至聖廟久空
朝廷大闕而後止近日以來有同慘經風雹之灾
萬象索然人懷沮喪誰謂一言之發壞國家元氣
若是之酷耶伏承 聖教以乘時抵掌血戰不已
斥臺諫廟堂諸臣雖有其失而 聖教豈不為未
安乎勲舊之臣目見過舉爭相進言惟惜朝家大

體而不欲負 聖明耳豈有一毫攻擊爭勝之理
乎臣之再章乃獲此 教反顧自訟不勝竦慙昔
商高宗以納誨輔德命傅說傳說又以從諫克聖
望其君君相之所交儆者無大於此其丁寧勉勵
之辭千載之下開卷興感今 聖明臨御豈以相
臣之非人而其所自勉不以此為法哉聖人亦非
無過過而能改德莫大焉湯之聖德言足聽聞者
以改過不吝從諫弗咈也善則虛心而樂取過則
速改而勿憚本源澄澈萬理昭著寧不增日月之

光輝乎伏願 聖明其監于茲請燕獨處之時念
慮隱微之間密加省察見其有歉然不安之意萌
芽發動則是乃天地生物之心油然而自不已者
保而推之仁不可勝用矣仁則心德全矣私累不
係鑑空衡平天下之妍媸輕重莫逃其狀而好惡
皆出於正矣是非之實付諸興議權度之用各當
天理公論無鬱矣斯文增氣矣好問用中吾智愈
大豈不快於心哉前者伏聞有心火極盛之教群
下之憂悶至此而益甚矣心有所惑則蘊結為疾

古人病於杯蛇見弓而愈者亦疑惑之過也竊恐
近日之啓有或為一殿下之杯蛇者而無一人以
弓影見於前者臣竊傷之張詠謂治病有移心法
此真格言心平氣和則諸病自退百邪不能窺矣
殿下其以張詠之言為三字符而深省焉臣自
蒙聖教若隕淵谷今當自効待譴而復盡其區
區者愚戇之心唯欲成湯我殿下也幸惟聖
明必加省納焉臣無任惶懼懇迫之至取
漢陰先生文稿卷之七







陰漢

三